

ONE HUNDRED  
FAMOUS CLASSICS  
IN CHINA

詞綜(下)·元曲菁華

中國  
古典  
名著  
百部



中国古典名著百部

词  
综  
【下】

远方出版社

## 词综卷二十八

## 元 词

李 琳

号梅溪，长沙人。

六么令

京中清明

淡烟疏雨，香径渺啼鴂。新晴画帘闲卷，燕外寒犹力。依约天涯芳草，染得春风碧。人间陈迹，斜阳今古，几缕游丝趁飞蝶。谁向尊前起舞？又觉春如客。翠袖折取萼红，笑与簪华发。回首青山一点，檐外寒云叠。梨花著雨，柳花飞絮，梦绕阑干满园雪。

木兰花慢

汴 京

蕊珠仙驭远，横羽葆，簇霓旌。甚鸾月流辉，风云布彩，翠绕蓬瀛。舞衣怯，环珮冷，问梨园、几度沸歌声？梦里芝田八

## ◆ 中国古典名著百部

骏，禁中花漏三更。 繁华一瞬化飞尘，辇路劫灰平。怅碧灭烟销，红凋露粉，寂寞秋城。兴亡事，空陈迹，只青山、淡淡夕阳晴。未向沙鸥说得，柳风吹上旗亭。

### 赵 文

字仪可，号青山，庐陵人。东湖书院山长。

### 八声甘州

和孔瞻怀信国公韵，因念亦周弟。

是去年春草又萋萋，尘生缕金衣。怅朱颜为土，白杨堪柱，燕子谁依？漫说漫漫六合，无地著相思。辽鹤归来后，城亦全非。更有延平一剑，向风雷半夜，何处寻伊？怪天天何物，堪作玉弹棋。到今年、无肠堪断，向清明、独自掩荆扉。何况又、禽声杜宇，花事酴醾。

### 瑞鹤仙

刘氏国柳

绿杨深似雨，西湖上、旧日愁丝恨缕。风流似张绪。羨春风依旧，年年眉妩。宫腰楚楚，倚画栏、曾斗妙舞。想如今似我，零落天涯，却悔相妒。痛绝长秋别后，杨白花飞，旧腔谁谱？年光暗度。凄凉事，不堪诉。记菩提寺路，段家桥水，何时重到梦处？况柔条老去，争奈系春不住。

## 塞翁吟

坐对梅花笑，还记初度年时。名利事，总成非。漫老矣何  
为！吴山夜月闽山雾，回首鬓影如丝。懒更问，斗牛箕。强凭醉  
成诗。闲思。嗟漂泊，浮云飞絮，曾跌宕，春风《柘枝》。  
便万里、金台筑就，已长分、采药庞公，誓墓羲之。百年政尔，  
一笑樽前，儿女牵衣。

## 宋 远

号梅洞，涂川人。

## 意难忘

同滕玉霄、周秋阳、刘尚友、萧高峰邂逅古洪，题樟镇华光  
阁志别，分韵得“重”字。

鸡犬云中，笑种桃道士，虚费春风。山城看过雁，春水梦为  
龙。云上下，燕西东，久别各相逢。向夜深，江声浦树，灯影渔  
篷。旧游新恨重重，便十分谈笑，一样飘蓬。玄经摧意气，  
丹鼎赚英雄。年易老，世无穷，春事苦匆匆。更与谁，题诗药  
市，沽酒新丰？

## 周 景

字秋阳，南阳人。

## 水龙吟

前题得“细”字

人生能几相逢？百年四海为兄弟。旧时青眼，今番白发，年华陨涕。春更无情，抛人先去，杨花无蒂。况江程渐短，别期渐紧，须重把，兰舟系。幸自清江如砥，指黄垆、流莺声细。沧波如许，平芜何处？明朝迢递。何预兴亡，不如休去，墙阴挑荠。且相期共看，蓬莱清浅，更三千岁。

## 刘将孙

字尚友，庐陵人，辰翁子。

## 忆旧游

前题得“论”字

正落花时节，憔悴东风，绿满愁痕。悄客梦惊呼伴侣，断鸿有约，回泊归云。江空共道惆怅，夜雨隔篷闻。尽世外纵横，人间恩怨，细酌休论。叹他乡异县，渺旧雨新知，历落情真。匆匆那忍别，料当君思我，我亦思君。人生自非麋鹿，无计久同群。此去重消魂，黄昏细雨人闭门。

## 萧 列

号高峰，涂川人。

## 八声甘州

前题得“文”字

可怜生、飘零到荼蘼，依然旧销魂。残春几许，风风雨雨，客里又黄昏。无奈一江烟雾，腥浪卷河豚。身世忽如叶，那自清浑！  
莫厌悲歌笑语，奈天涯有梦，白发无根。怕相思别后，无字写回文。更月明洲渚，杜鹃声里，立向临分。三生石，情缘千里，风月柴门。

## 司马昂父

字九皋。

## 最高楼

花信紧，二十四番愁，风雨五更头。侵阶苔藓回罗袜，逗衣梅润试香篝。绿窗闲，人梦觉，鸟声幽。  
按秦筝、学弄相思调，写幽情、恨杀知音少。向何处，说风流？一丝杨柳千丝恨，三分春色二分休。落花时，流水里，两悠悠。

## 应法孙

### 霓裳中序第一

和周草窗韵

愁云翠万叠，露柳残蝉空抱叶。帘卷流苏宝结。乍庭户嫩凉，阑干微月。玉纤胜雪，委素纨、尘锁香篋。思前事、莺期燕约，寂寞向谁说？悲切，漏签声咽。渐寒飔、兰缸未灭。良宵长是间别，恨酒凝红绡，粉流瑶玦。镜盟鸾影缺，吹怨笛、西风数阕。无言久、和衣成梦，睡损缕金蝶。

## 王学文

字竹洞，眉山人。

### 摸鱼儿

送汪水云之湘

记当年、舞衫零乱，《淋铃》忍按新阕。杜鹃枝上东风晚，点点泪痕凝血。芳信歇。念初试琵琶，曾识《关山月》。悲弦易绝。奈笑罢颦生，曲终愁在，谁解寸肠结？浮云事，又作南柯梦彻。一簪聊寄华发。乾坤桑海无穷事，才历昆明初劫。谁共说？都付与焦桐，写入《梅花》叠。黄花送别。休更问湘魂，独醒何在？沉醉浩歌发。





## 绮寮怨

[斐按：此为赵功可词]

忽忽东风又老，冷云吹晚阴。疏帘下、茶鼎孤烟，断桥外、梅豆千林。江南庾郎憔悴，睡未醒、病酒愁怎禁？倚阑干、一扇凉风，看平地、落花如雪深。千曲囊中古琴。平泉金谷，不堪旧事重寻。当日登临，都化作、梦销沉。元龙丘坟无恙，谁唤起，共论心？哀歌怨吟，问何似、啼鸟枝上音？

## 柳梢青

友人至 [斐按：此为赵功可词]

客里凄凉，桐花满地，杜宇深山。幸自君来，谁教君去？剪刀轻寒！愁怀无语相看，漫写入、徽弦自弹。小院黄昏，前村风雨，莫倚阑干。

## 彭芳远

## 满江红

闻笛

愁满关山，又吹得、芦花雪深。西楼外、天低水涵，龙挟泓吟。回首人间无此曲，数峰江上落馀音。似断云、飞絮两悠悠，何处寻？江南路，晴又阴。声韵改，泪盈襟。自中郎去后，羽泛商沉。牛背斜阳添别恨，鸾胶秋月续琴心。待醉骑、黄鹤度

苍寒，霜满林。

## 危复之

抚州人。元帅郭昂荐为儒学官，不就，至元中累征不应，隐紫霞山中，卒，私谥贞白先生。

## 永遇乐

早叶初莺，晚风孤蝶，幽思何限？檐角紫云，阶痕积雨，一夜苔生遍。玉窗闲掩，瑶琴慵理，寂寞水沉烟断。悄无言、春归无觅，卷帘见双飞燕。风亭泉石，烟林薇蕨，梦绕旧时曾见。江上闲鸥，心盟犹在，分得眠沙畔。引觴浮月，飞谈卷雾，莫管愁深欢浅。起来倚阑干，拾得残红一片。

## 颜子俞

号吟竹，太和人。

## 清平乐

留王静得

留君少住，且待晴时去。水鹤夜深云外语，明日棠梨花雨。尊前不尽馀情，都上鸣弦细声。二十四番风后，绿阴芳草长亭。



## 刘景翔

号溪山，安成人。

### 如梦令

独方荷汀烟暮，一霎锦云香雨。似为我无情，惊起鸳鸯飞去。飞去，飞去，却在绿杨深处。

## 吴元可

字山庭，吉安人。

### 凤凰台上忆吹箫

更不成愁，何曾是醉，豆花雨后轻阴。似此心情自可，多了闲吟。秋在西楼西畔，秋较浅、不似情深。夜来月，为谁瘦小，尘镜羞临。弹筝旧家伴侣，记雁啼秋水，下指成音。听未稳、当时自误，又况如今。那是柔肠易断，人间事、独此难禁。雕笼近，数声别似春禽。

### 采桑子

江南二月春深浅，芳草青时，燕子来迟，剪剪轻寒不满衣。清宵欲寐还无寐，顾影颦眉，整带心思，一样东风两样吹。

## 刘 铉

字鼎玉。

### 乌夜啼

石榴

垂杨影里残红，甚匆匆。只有榴花全不怨东风。 暮雨  
急，晓霞湿，绿玲珑。比似茜裙初染一般同。

## 萧允之

号竹屋。

### 蝶恋花

舟行怀旧

十幅归帆风力满。记得来时，买酒朱桥畔。远树平芜空目  
断，乱山惟见斜阳半。 谁把新声翻玉管？吹过沧浪，多少伤  
春怨。已是客怀如絮乱，画楼人更回头看。

## 虞美人

朱楼曾记回娇眄，满座春风转。红潮生面酒微醺，一曲清歌  
留住半窗云。 大都咫尺无消息，望断青鸾翼。夜长香短烛花

红，多少思量只在雨声中。

## 点绛唇

花径相逢，眼期心诺情如昨。怕人疑著，佯弄秋千索。  
知有而今，何似当初莫！愁难托。雨铃风铎，梦断灯花落。

## 琐窗寒

细雨收尘，轻阴弄日，柳丝掠道。桃边杏处，犹记玉骢曾到。对东风、回首旧游，香消艳歇无音耗。怅佳人、有约难来。绿遍满庭芳草。愁抱。沉吟久，问翠珥金钿，为何人好？回文细字，尘暗当年纤缟。倚阑干、斜阳又西，欢期易失春易老。待何时、再觅珍丛，共把清尊倒。

## 黄子行

号莲瓮。

## 西湖月

自度商调

湖光冷浸玻璃，荡一饷薰风，小舟如叶。藕花十丈，云梳雾洗，翠娇红怯。壶觞围坐处，正酒醒吹波潮晕颊。尚记得、玉臂生凉，不放汗香轻浹。殢人小摘墙榴，为碎掐猩红，细认裙褶。旧游如梦，新愁似织，泪珠盈睫。秋娘风味在，怎得对银缸生笑靥？消瘦沈约诗腰，仿佛堪捻。

又

探梅

初弦月挂林梢，又一度西园，探梅消息。粉墙朱户，苔枝露蕊，淡匀轻饰。玉儿应有恨，为怅望东昏相记忆。便解珮、飞入云阶，长伴此花倾国。还嗟瘦损幽人，记立马攀条，倚栏横笛。少年风味，拈花弄蕊，爱香怜色。扬州何逊在，试点染吟笺留醉墨。漫赢得、疏影寒窗，夜深孤寂。

满江红

归自湖南题富春馆

津鼓匆匆，犹记得、故人相送。春江上、鸟啼花影，马嘶香鞚。情逐《阳关》《金缕》断，泪和杨柳春丝重。算别来、几度月明时，相思梦。山万叠，秋眉耸。春一点，归心动。问风俦月侣，有谁游从？百里家山明日到，一尊芳酒今宵共。任楼头、吹尽五更风，《梅花弄》。

花心动

落梅

谁倚青楼，把谪仙长笛，数声吹裂。一片乍零，千点还飞，正是雨晴时节。水晶帘外东风起，卷不尽、满庭春雪。画栏小，斜铺乱贴；翠苔成缬。袅袅馀香未歇。空怅望音尘，两眉愁切。翠袖泪干，粉额妆寒，此恨有谁同说？江南春信无痕迹，馀情在、冷烟残月。梦魂远，兰灯伴人易灭。



## 小重山

一点斜阳红欲滴。白鸥飞不尽、楚天碧。渔歌声断晚风急。  
搅芦花，飞雪满林湿。孤馆百忧集。家山千里远、梦难觅。  
江湖风月好收拾。故溪云，深处著蓑笠。

## 彭履道

## 兰陵王

章台路，西出重城几步。秦楼晓、花气分明，一霎空濛洗高  
树。行人半倚户。飞去黄鹂自语。秋千小、不系柳条，惟有轻阴  
约飞絮。钿车暗相遇。早拂拭红巾，初放鹦鹉。闻歌犹是  
《淋铃》处。唤鸣箏掩面，倚垆呼酒，东风重记旧眉妩。报伊共  
歌舞。西去，屡回顾。渐客舍荒凉，嘶马先驻。玉关万里知  
何许？但倦拥荒泽，瓜洲难渡。将军垂老，望故国，夜梦苦。

## 李裕翁

## 摸鱼儿

讶江南、许多风景，繁华只在晴昼。些儿淡沲冲融意，到处  
拈花著柳。疏雨后，更艳艳绵绵，泼眼浓如酒。飞浮宇宙。但借

## ◆ 中国古典名著百部

日浮香，随风著物，巧笔画难就。惆怅处，曾记苏堤携手。十年惊觉回首。苍埃霁景成阴晦，湖水湖烟依旧。凝望久，问燕莺莺，识此年华否？长门别有，脉脉断肠人，柔情荡漾，长是为伊瘦。

### 段弘章

号懒融，吉州人。

### 洞仙歌

茶寮

一庭晴雪，了东风孤注。睡起浓香占窗户。对翠蛟盘雨，白凤迎风，知谁见、愁与飞红流处？想飞琼弄玉，共驾苍烟，欲向人间挽春住。清泪满檀心，如此江山，都付与、斜阳杜宇。是曾约梅花带春来，又自趁梨花，送春归去。

### 刘天迪

字云闲，西昌人。

### 齐天乐

严县尹席上和李观我韵

瑞麟香软飞瑶席，吟仙笑陪欢宴。桐影吹香，梅阴弄碧，一味晚凉堪荐。停杯缓劝。记罗帕求诗，琵琶遮面。十载扬州，梦



回前事楚云远。人生总是逆旅，但相逢一笑，如此何限。采石宫袍，沉香醉笔，何似轻衫小扇？流年暗换。甚新雨情怀，故园心眼。明日西江，斜阳帆影转。

## 一萼红

夜闻南妇哭北夫

拥孤衾，正朔风凄紧，毡帐夜惊寒。春梦无凭，秋期又误，迢递烟水云山。断肠处、黄茅瘴雨，恨骢马、憔悴只空还。揉翠盟孤，啼红怨切，暗老朱颜。堪叹扬州十载，甚倡条冶叶，不省春残。蔡琰悲笳，昭君怨曲，何预当日悲欢？漫赢得、西邻倦客，空惆怅、今古上眉端。梦破《梅花》，角声又报更阑。

## 虞美人

子规解劝春归去，春亦无心住。江南风景正堪怜，到得而今不去待何年？无端往事萦心曲，两鬓先惊绿。蔷薇花发望春归，谢了蔷薇又见楝花飞。

## 周伯阳

字季海。

## 摸鱼儿

又匆匆、月鞭露镫，梅花江上归路。海图破碎来时线，何似彩衣低舞？风雪暮。正望断、青山一发云横处。浩歌独举。便想